

Extracto da convocatoria de Incentivos á contratación do Obradoiro Dual de Emprego Arteixo Social 2024-2025.

1.- Bases reguladoras

A convocatoria realízase ao abeiro das bases reguladoras de incentivos á contratación do Obradoiro Dual de Emprego Arteixo Social 2024-2025 aprobadas polo Pleno da Corporación en sesión celebrada o xoves 31 de xullo de 2025.

2.- Crédito orzamentario

A contía destinada para o ano 2025 é de 19.500,00 € con cargo á aplicación orzamentaria 241.47001.

3.- Obxecto

Os incentivos á contratación temporal por conta allea teñen por finalidade facilitar a empregabilidade e ocupabilidade das persoas desempregadas participantes no obradoiro dual de emprego "ARTEIXO SOCIAL 2024-2025" do Concello de Arteixo, financiado a través da convocatoria 2024 de axudas e subvencións a obradoiros duais de emprego da Consellería de Emprego, Comercio e Emigración da Xunta de Galicia.

4.- Procedemento

O procedemento de tramitación das axudas recollidas nesta orde axustarase ao disposto no artigo 19.2 da Lei 9/2007, do 13 de xuño, de subvencións de Galicia, dado que polo obxecto e finalidade do programa non resulta necesario realizar a comparación e prelación das solicitudes presentadas nun único procedemento, senón que a concesión da axuda realizarase pola comprobación da concorrencia nas entidades e empresas e nos empregadores dos requisitos establecidos nestas bases, ata o esgotamento do crédito orzamentario.

5.- Requisitos para solicitar a subvención (apartado 3º das bases reguladoras). Poderán ser beneficiarios destas axudas:

Poderán ser entidades beneficiarias dos incentivos á contratación:

- a) As persoas empregadoras e as empresas, calquera que sexa a forma xurídica que adopten, incluídas as persoas autónomas (traballadores/as autónomos/as), as sociedades civís e as comunidades de bens, aínda que carezan de personalidade xurídica. No caso de sociedades civís, comunidades de bens e unións temporais de empresas, deberá facerse constar expresamente, tanto na solicitude como na resolución de concesión, os compromisos de execución asumidos por cada membro da agrupación, así como o importe de subvención que vai aplicarse para cada un deles, que terán igualmente a consideración de beneficiario. En calquera caso, deberán nomear unha persoa representante ou apoderada única da agrupación, con poder suficiente para cumprir as obrigas que, como beneficiaria, lle correspondan á agrupación. No suposto de unións temporais de empresas, cada empresa que forme parte desta unión deberá reunir os requisitos esixidos para acceder ás axudas.
- b) Que contraten traballadoras ou traballadores por conta allea para prestar servizos en centros de traballo radicados no ámbito territorial dos obradoiros duais de emprego relacionados con ocupacións ou postos de traballo vinculados á:
 - Atención sociosanitaria a persoas no domicilio (SSCS0108)
 - Atención sociosanitaria a persoas dependentes en institucións sociais (SSCS0208).
- c) Para a contratación do alumnado traballador das especialidades de "Atención sociosanitaria a persoas dependentes en institucións sociais e no domicilio", as entidades beneficiarias estarán obrigadas a proporcionar á persoa traballadora un traballo efectivo relacionado co perfil profesional do título da

formación do certificado de profesionalidade, aínda que a súa actividade económica non estea directamente relacionada coa formación recibida.

Non poderán ser entidades beneficiarias destas axudas as administracións públicas, as sociedades públicas, nin as entidades vencelladas ou dependentes de calquera delas.

Non poderán obter a condición de entidade beneficiaria das subvencións establecidas nesta convocatoria as persoas ou entidades nas que concorran algunha das circunstancias previstas no artigo 10 da Lei 9/2007, do 13 de xuño, de subvencións de Galicia:

- a) Ser condenadas mediante sentenza firme á pena de perda da posibilidade de obter subvencións ou axudas públicas.
- b) Solicitar a declaración de concurso, ser declaradas insolventes en calquera procedemento, atoparse declarados en concurso salvo que neste adquirise eficacia un convenio, estar suxeitas a intervención xudicial ou ser inhabilitadas conforme a Lei concursal sen que conclúa o período de inhabilitación fixado na sentenza de cualificación do concurso.
- c) Dar lugar, por causa da que fosen declaradas culpables, á resolución firme de calquera contrato suscrito coa Administración.
- d) Estar incurso a persoa física, os administradores das sociedades mercantís ou aqueles que exerzan a representación legal doutras persoas xurídicas, nalgún dos supostos de incompatibilidades que estableza a normativa vixente.
- e) Non estar ao corrente das obrigas tributarias ou fronte á Seguridade Social ou ter pendente de pago algunha débeda coa Administración pública da Comunidade Autónoma de Galicia nos termos regulamentariamente establecidos.

- f) Ter a residencia fiscal nun país ou territorio cualificado regulamentariamente como paraíso fiscal.
- g) Non estar ao corrente de pago de obrigacións por reintegro de subvencións nos termos regulamentariamente establecidos.
- h) Ser sancionada mediante resolución firme, coa perda da posibilidade de obter subvencións segundo a Lei 9/2007, do 13 de xuño, de subvencións de Galicia, ou a Lei xeral tributaria.
- i) Non poderán acceder á condición de entidade beneficiaria as agrupacións de persoas físicas ou xurídicas, públicas ou privadas sen personalidade, cando concorra algunha das prohibicións anteriores en calquera dos seus membros.

Non poderán obter a condición de entidade beneficiaria as entidades solicitantes que estean excluídas do acceso aos beneficios derivados da aplicación dos programas de emprego, conforme ao establecido no artigo 46 e 46 bis do texto refundido da Lei de infraccións e sancións no orde social, aprobado polo Real decreto lexislativo 5/2000, do 4 de agosto.

Non poderán obter a condición de entidade beneficiaria as entidades solicitantes que non estean ao corrente do cumprimento das súas obrigas fiscais co Concello de Arteixo, que serán comprobadas de oficio.

A xustificación por parte das persoas ou entidades solicitantes de non estar incurso nas prohibicións contidas nos números 3.3 e 3.4 anteriores para obter a condición de beneficiaria se realizará mediante declaración responsable, segundo modelo do anexo II.

6.- Órganos competentes

O procedemento será instruído polo Departamento de Promoción Económica do Concello de Arteixo, que realizará as actuacións necesarias para determinar o coñecemento e a comprobación dos

datos en virtude dos cales se debe formular a proposta de resolución. O órgano competente para resolver o procedemento é a Xunta de Goberno Local do Concello, segundo o art. 127 da Lei 7/1985, de 2 de abril, reguladora das Bases de Réxime Local e demais lexislación concordante.

7.- Prazo de presentación de solicitudes

O prazo de solicitudes será de un mes desde a publicación do extracto da convocatoria no Boletín Oficial da Provincia, a través da BNDS.

8.- Prazo de resolución e notificación

Elaborada a proposta de concesión polo Departamento de Promoción Económica e fiscalizada pola Intervención Municipal, someterase a aprobación pola Xunta de Goberno Local. O acordo de concesión, deberá notificarse a todos os solicitantes de forma expresa no prazo de 10 días desde a data da resolución (art. 40.2 da LPACAP).

9.- Documentación (apartado 6.4º das bases reguladoras). A documentación que deben presentar as entidades ou persoas solicitantes será a seguinte:

- a) Copia do DNI, NIE ou NIF da entidade.
- b) Documentación que acredite a capacidade da persoa que actúe como representante legal da entidade para actuar no seu nome e representación (certificados de nomeamento, apoderamentos, etc.).
- c) Fotocopia da escritura de constitución, acta fundacional ou documento equivalente.
- d) Declaración responsable e autorizacións segundo o modelo do anexo II.
 - Declaración responsable de non estar incurso nas prohibicións para obter a condición de persoa beneficiaria previstas no artigo

13 da Lei 38/2003, do 17 de novembro, xeral de subvencións e no artigo 10 da Lei 9/2007, do 13 de xuño, de subvencións de Galicia.

– Declaración responsable de non ter sido excluído/a do acceso aos beneficios derivados da aplicación dos programas de emprego conforme ao establecido no artigo 46 e 46 bis do Real decreto lexislativo 5/2000, do 4 de agosto, sobre infraccións e sancións na orde social.

– Declaración responsable de posuír a capacidade administrativa, financeira e operativa para cumprir as condicións da axuda.

– Autorización ao Concello de Arteixo á obtención das certificacións de estar ao corrente nas súas obrigas coa Administración Tributaria, coa Seguridade Social, coa Xunta de Galicia e para comprobar de oficio que estean ao corrente do cumprimento das súas obrigas fiscais co Concello de Arteixo (no caso de non conceder esta autorización, deberán aportar certificados de atoparse ao corrente nas súas obrigas coa Consellería de Facenda da Xunta de Galicia, coa Seguridade Social, coa Axencia Estatal de Administración Tributaria e co Concello de Arteixo).

e) Certificado de situación no censo de actividades económicas da AEAT.

f) Declaración responsable comprensiva do conxunto das axudas solicitadas, tanto as aprobadas ou concedidas como as pendentes de resolución, para a mesma finalidade das distintas administracións públicas competentes ou outros entes públicos ou, no seu caso, unha declaración de que non solicitou nin percibiu outras axudas ou subvencións segundo o modelo do anexo III.

g) Modelo de designación de conta bancaria, segundo o modelo normalizado a disposición na páxina web do Concello.

10.- Posibilidade de reformulación da solicitude

Non procede.

11.- Recursos procedentes contra a resolución do procedemento

Contra o acordo poderá formularse os recursos que procedan segundo os art. 123 e 124 da LPACAP.

12.- Criterios de valoración das solicitudes

Non procede posto que o procedemento de concesión axustarse ao disposto no artigo 19.2 da Lei 9/2007, do xuño, de subvencións de Galicia, dado que polo obxecto e finalidade do programa non resulta necesario realizar a comparación e prelación das solicitudes presentadas nun único procedemento, senón que a concesión da axuda realizárase pola comprobación da concorrencia nas entidades e empresas e nos empregadores dos requisitos establecidos nestas bases, ata o esgotamento do crédito orzamentario.

13.- Medio de notificación ou publicación

De acordo co art. 14 da LPACAP, notificarase electrónicamente a resolución do procedemento ás entidades ou persoas solicitantes.

14.- Prazo de presentación da conta xustificativa

O prazo de xustificación da subvención será de un mes desde o remate da contratación subvencionada por parte da entidade ou empresa beneficiaria. O acordo de aprobación da conta xustificativa e pago notificarase os beneficiarios segundo o art. 40.2 da LPACAP.